

مُشَاطِقَاتُ

محل مطبعه دارداره :

جفال اوغلنده امنيت

صندوغی جوارنده

شنگول يقوشنده

۲۵ نومرو

اضطار :

مسلکمزہ موافق آثار

جدیدہ مع الممنونیه

قبول اولنور

درج ایدلمین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، احوال و شئونه اسلامیه در بحث ایدر و هفته در بر نشر اولنور .

آبونه بدلی

صاحب و مؤسسلی :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	اتی آیلانی	غروش
۶۵	۳۵	۳۵
۶۰	۳۰	۳۰
۱۷	۹	۹

عدد : ۱۲۱

۲۷ ذی الحجه پنجشنبه ۱۶ کانون اول ۳۲۶

بشنجی جلد

بشمار . انسان او خسته‌لق کیدنجه قدير دنيا سندن بيقار . شيخ
سعدی حضرتارینک شو بیتلری دخی شایان تقدیر در :
چو عضوی بدرد آورد روزگار
دیگر عضو هارا نماید قرار

اگر بر عضوه بر درد کلیرسه دیگر عضولرده قرار قلاز .
بر حدیث شریفده : « الامن والعافیه نعمتان مغبون فیهما کثیر
من الناس = امن وعافیت ایکی بیوک نعمتدرکه چوق کیمسدر اولنک
قدرینی بیلمز لر وشکری ایفا ایتمز لر » بیورلمشدر ،
دیگر بر حدیث شریفدهده : « سلواته العفو والعافیه فان احدا لم
يعط بعدالیقین خیراً من العافیه = الاهدن دائماً عفو وعافیت ایسته‌ییکز .
یقیندن یعنی بعدالایمان انسانه عافیتدن بیوک بر نعمت ویرلماشدر . »
بیورلمشدر .

بوتون بوقدر حدیثلردن صحت وعافیتک انسانلر ایچون نه‌قدر
بیوک بر نعمت اولدینی آ کلاشیلیمقددهدر . صحتی یزنده اولمیان بر
کیمسه هیچ بر ایش کورده‌مز . وظیفه‌لرینی ایفا ایدمه‌مز . کونلرینی
آه وانیزلر ، اضطراب وماتلر ایچریسنده کچیرر . صحتدن محرومیت
هم بیوک بر نعمتدن محروم اولمق همده اک بیوک فلاکت اولان
خسته‌لق وامراضه مبتلا بولونمقددر . بناءً علیه هرشیدن اول صحت
وعافیتک محافظه‌سی انسانلرک اک بیوک وظیفه‌لرننددر . صحتی محافظه
ایتمک ایچون الله اک ائی بر مقیاس وارددرکه اوده اعتدالدن عبارتدر .
هر شیده اعتدال اییدر . صحتک محافظه‌سی ایچون اعضای بدنیه‌نک
حرکات وفعالیتده ، یمک وایچمک وسائر خصوصیاتده دائماً اعتدالدن
آیرلماق لازمدر . افراط حرکات اعضالری یورار . تقریط ایسه
انسانی عطالت ، کسالت ، اویوشوقلغه‌سوق اییدر . مساعی فکریه‌نک
افراطی دخی دماغی ، فکری تعصبه دوچار اییدر . تقریطی ایسه
حماقتی ، غیباوتی موجب اولور . بدن وفکرک عدم آهنگسندن
اخلاقده متضرر اولور ، اولرله برابر اخلاقده وزیلور . اوبورلق
ویا صوک درجه امساک ائی دکلددر . بونلر هب اعتدالدن خارجه
چیقه‌قددر . صحتک محافظه‌سی ایچون اعتدالدن باشقه بر چاره ده‌ها
وارددرکه اوده طهارت ونظافتدر . طهارت ونظافت دین اسلامک اک
زیاده‌توصیه‌ایستدیک بر امر مهمدر . اکثر خسته‌لقلر پلسکدن ، عدم طهارتدن
ایلری کلیر . طهارت دینجه نه قدر لازم ایسه ، طبابتجه وحفظ
صحتجهده اوقدر لازمدر . قرآن جلیلک ۳۴ نجی صحیفه‌سنده سورۃ
بقدرنک ۲۲۲ نجی آیتده : « ان الله يحب المتطهرین » بیورلمشدر .
الله تعالی تمیزلک یاپانلری سور .

کذا : قرآن کریمک ۱۰۷ نجی صحیفه‌سنده سورۃ مائده‌نک التجی
آیتده : « ما یرید الله لیجعل علیکم من حرج ولکن یرید لیطهرکم ولیم
نعمته علیکم لعلکم تشکرون . » بیورلمشدر . الله تعالی سزه مشکلات
کوسترمیور ، بالعکس سزه اولان نعمتارینی اتمام ایچون تمیزلنمکزی
امر اییدیور . احوالده تشکر ایتمکسکز
حقیقه جناب حق بو دین مینک سالکرینه طهارت کبی بر امر

علی اربعة اقسام . [ابتدائی ومتوسط ونهائی وعالی] وبعد درس
الطالب هته‌الدروس علی المنوال المذكور تعطی له شهادة تشهدله بالبراعة
فی اللغة العربیة . هذا مابدالی ذکره فی بیان الاصول الییجب علی
طلاب العربیة اتباعها فی طریق التعلم والتعليم .
وان عناية الحكومة الحاضرة بتشر هذا اللغة بتشرنا بحصول المأمول
فی زمن غیر بعيد والله ولی التوفیق .

منشی جريدة المدينة المنورة

محمد مأمون

حفظ صحت ، اعتدال ، طهارت ، ونظافت

اکثر الدعاء بالعافیه

[صحت وعافیتک ایچون دائماً دعاده بولونکز .]

حدیث

حفظ صحت بزه ، حیات وصحتمک محافظه‌سی ایچون لازمکلان
قوانین وقواعدی اوکره‌تیر . یمکده ، ایچمکده ومختلف خصوصیاتده
اعتدال وطهارتی توصیه اییدر . حفظ صحت قاعده‌لرینی تعقیب ایتمک ،
تمیز واعتدالپرور اولمق ، بوتون وظیفه‌لرینی لایقانه اجرا خصوصنده
کسب استعداد وقابلیت ایتمکدر . صحیح وسالم بروجوده مالک اولمق ،
صحیح وسالم بروحه مالک اولمقددر .

موجودیت بدنیه وفکریه‌سی صحیح وسالم اولانلر ایسه اک بیوک
سعادته نائل اولورلر . چونکه انسانلر ایچون اک بیوک فلاکت
نقصانیت مادیه وفکریه‌در . یعنی کرک اعضای بدنیه وکرک خواص
روحیه سندن برینک ناقص اولماسی ویا ناتمام بولونمسیدر . بر انسان
جریان هوایه معروض بولنورسه نزل اولور ، خسته‌لیر . هواسی
بوزولمش وصرکه دکشمه‌مش بر اوطه‌ده اوطورورسه ، صحتیه مضر
هوا تنفس اییدر . ایجه یاغماش بر کومورک نشر ایستدیکي غاز ایله
دولو بر اوطه‌ده اوطورورسه زهرله‌نیر . صیجاقده قله‌رق ویا
چوق چالشه‌رق وجود ایجه قیزیشدقین وترله دکدن صوکره زیاده
صوغوق بر صو ایچرسه اولومه معروض اولور . یمکدن صوکره
حامه کبررسه باشنه قان چیقه‌رق باییلور . ایشته ده‌ها بوکبی برچوق
خصوصیات وارددرکه انسان اولردن صاقینازسه صحتی بوزولور .
صحتی بوزولنجه آهنگ حیاتده بوزولور . آهنگ حیات بوزولونجه
انسان خسته اولور . وخسته‌لنک نتیجه‌سی ده طبیعی بر انسان ایچون
وخیمدر . قانونی سلطان سلیمان حضرتلرینک آتیده‌کی بیتلری صحتک
قدر و قیمتنی تجیل ایدن اشعار کزیده‌دندر .

خالق ایچنده معتبر بر نسنه یوق دولت کبی

اولیه دولت جهسانده بر نفس صحت کبی ،

سلطنت دیدکری آنجق جهان غوغاسیدر .

اولیه بخت وسعادت دنیا‌ده وحدت کبی

حقیقه انسانه هر شیدن زیاده صحت لازمدر . وجودک ، بر
نقطه‌سنه بر پارچه خسته‌لق عارض اولسه بوتون اعضالر فریاده

جلیلی امر ایتمه که بویوک بر لطف و عنایت سبحانیه ده بولونمشدر . چونکه انسان طهارت سایه سنده هر درلو خسته لقدن قور تولدینی ، صحت و حیاتی لایقیله محافظه ایتدیکی کی عین زمانده بدنک بوطهارتی فکر و اخلاقده حسن تأثیرینی کوریر . چونکه ، بدن صحتده اولدقجه فکر و اخلاقده صحتده اولور . بوندن باشقه دائماً وجودجه تمیزلکه آلیشان فکر و اخلاقده تمیزلکه آلیشیر . وجودنده کی فئالقلری دفعه آلیشان ، فکر و اخلاقده کی فئالقلری ده دفعه آلیشیر . و بو سایه مادی ، معنوی بدنی روحنی و اخلاقی تصفیه ایتمش اولور . بر حدیث شریفده : « النظافة من الايمان = نظافت ایماندردر . » بویورلمشدر . نصلکه بر انسانک ظاهری تمیز اولدینی زمان باطنی ده اولیله جه تمیز اولورسه باطنی تمیز اولدینی زمان اونستده ظاهرینک ده تمیز اولمسنه چالیشیر . روح ایله بدن دائماً بر برینه تأثیردن خالی قالماز . ایشته بو حدیث شریفده بونی اثبات ایدیور . ایمانی اولان یعنی باطنی تصفیه ایتمش اولان کیسه لک زیاده سیله طهارت و نظافته دقت ایتدکرینی کوستریور . دیگر بر حدیث شریفده ایسه : « النظافة تدعو الی الايمان = نظافت ایمانی دعوت ایدر . » بویورلمشدر . بو حدیث شریفده یوقاریده کی مطالعاتی اثبات ایتکده در . ظاهری تمیزلک باطنی ده تمیزلک دیمکدر . دیگر بر حدیث شریفده ده : « ان الله تعالی طیب یحب الطیب نظیف یحب النظافة ، بویورلمشدر ، الله تعالی ظاهر در طهارتی سوه ، نظیف در ، نظافتی سوه . »

بوتون بو مطالعاته بناء انسان دائماً صحتی محافظه ایتمه ، اعتدالدن ایرلامغه ، طهارت و نظافته دقت ایتمه مجبوردر .

دوقتور حاذق

مجلس عمومیده سیاست عمومیه مذاکره سی

۲

اتحاد عناصر مسأله سی

اکثر ممالکده ، معین بر دوره تاریخیه ده بوتون و امور سیاسی و اجتماعییه مؤثر و حاکم بر مسئله نک وجودی مشهوددر . مثلاً بوکون آوستریا و مجارستان حیات سیاسی و اجتماعی سنک اک مؤثر عاملی ، ملیت نزاعیدر . روسیه و ایرلاندده مسأله زراعیه ، آلمانیا و فرانسه ده عماله مسأله سی اویری طوتار . اگر دولت عثمانیه نک عصر حاضر حیاتی تدقیق ایدیلک اولورسه ، مسأله حاکمه نک عنصر ویا دهها طوغری بر تعیر ایله ملیت مسأله سی اولدینی تبیین ایدر .

فکر عاجزانه مچه حیاته حقایقه روبرو کلکدن قور قولمالیدر . اغفال نفس ویا اغفال غیر دائماً خسراتی موجب اولمشدر . حقایق و قایبی اولدینی کی کورماک ، یا خود کورمه مز لکدن کلک ، او حقایق تعیر ایتمز . ایشته بو اعتقاد نتیجه سی اوله رق ، عناصر ویا دنیلدیکی کی اتحاد عناصر مسأله سی حقنده کی ملاحظاتی ، مجلس عمومیده کچن مذاکره مناسبیله ، سربست و واضح عرض و بیان ایتک ایتدیورم .

مجلس عمومی ، بوسنه کی دوره اجتماعی سنه طوبالانور طوبالانماز . ایلاک عمل سیاسی سنده عنصر مسأله سی مهم بر محل طوتدی : حکمدار نطق هایوننده : هر نه جنس و مذهبدن اولورسه اولسون ، عین محبتله « سودیکم بوتون عثمانی اولادک اخوت کامله ایچینده یاشامه لری » و تعالی وطن خصوصنده عین حسیات ایله متحس بولمه لری ، « شبهه یوق که بو دولت عظیمه نک برات نجاتیدر . » بویورمشدی . مجلس اعیان عریضه جوابیه سنده مسأله سی آچیه لزوم کوره رک : « بویوک حقیقتک قطعی بر اطمینان ایله اذهاق و وجدان عمومده بر « طومانی و بوضو رته عناصر مختلفه نک یکدیگرینه وجهه سنک مادر « وطنه انحلال قبول ایتیز بر رابطه قویه ایله باغلامه لری حالاً و آتیاً غایه « الغایه مهم و بونک یکانه چاره حصولی اعتقادیمز جه اولاد وطنک « مکاتب اعدادیه و عالییه دیکنسق بر تربیه یی حائز اوله رق یتشمه لری ماده « معتنا بهاسنه منوط بولندیغنه و ایلاک تربیه و تحصیل عائله مکتبی دیمک « اولان آنا قوجاغنده باشلایوب بالاخره مکاتب عمومیه و خصوصیه ده « توسیع ایدلدیکنه بناء بر طرفدن وطنه خیرلی اولاد یتشیدیره چک « امهات مستقبله عثمانیه نک مطرد تربیه و تحصیللری تأمین ایده چک « نهاری وللی مختلط قیز مکتبلرینک اصلاح و تکثیری ، دیگر طرفدن « مکاتب ذکر اطفال پروغراملرینک مفید نتیجه لر ویره چک صورته « اصلاح و تنظیمی و جائب اموردن اولمقه . . . » دیه ایضاحاته کیریشمشدی . مجلس مبعوثان ایسه دهها مختصر کچره رک : « وطن مقدسمزده سعادت عمومیه نک اسباب حصولدن اک مهمی کتله دولتی تشکیل ایدن صنوف و عناصر مختلفه میانه لرنده اخوت و مودت حقیقیه نک کسب قوت ایتمی کیفیتی اولوب استیناس و اختلاط دائمی ایله مترافق بوانان خدمت موظفه عسکریه نک بتون عثمانیلره تشمیل و تعمیمی بو امنیه نک سرعت و امنیتله حصولی موجب مؤثرات عالییه اجتماعیدن بولندیغندن خاک پاک وطنک امر مدافعه سنده برلشن افراد مختلفه نک تشکیل ایلدیکی اردوی عثمانینک اجرا قلنان بو دفعه کی مانوره لرنده کوربان ترقیات و انتظامدن متحصل بمنویت و محظوظیت سنیه لرینه مبعوثان تمامیه اشتراک ایدر . » دیمشدی .

مجلس عمومینک ، فوق العاده مهم اولان بو مسأله یه دائر درمیان ایتدیکی مطالعه و آرزولری پک جدی تأمله محتاجدر . خط هایون و عریضه جوابیه لری تدقیقنده ، ایلاک اول کوزه چاربان شی ، هر اوج وثیقه نک ، اساساً اتحاد عناصری طالب اولدقلری حالده ، تعیر معروفی استعمال ایتمه یشریدر : حکمدار ، دهها طوغریسی نطق هایوندن مسئول هیأت وکلا ، معنایی حقوقاً صریح اولیان « اخوت » تعیر حسیسی ، دهها واضح کله لره ترجیح ایتمشدر . مجلس مبعوثانده « اخوت » ، « مودت حقیقیه » ، « استیناس » ، « اختلاط » تعیرلرینی قوللانورق « اتحاد » کلمه سنک آرتق اصطلاح حالی آلمش اولان معنایی تماماً تضمن ایدمه یین « برلشمک » فعلی بیله آنجق « خاک پاک وطنک امر مدافعه سنه » حصر ایله مشدر . کرج ، مجلس اعیان ده ، « اتحاد » تعیرینی قوللانمور و حتی